

Minister Mike de Meza

E peso di refineria ta mas cu e peso di parke di molina di biento

ORA NJESTAD - Un refineria tin su peso riba medio ambiente p'esey ta bin cu ley pa purba balansa esaki.

Nos como ser humano ta forma parti di medio ambiente y si nos kier ta parti di medio ambiente mester proteha esaki.

Pero mester ta consciente cu e proteccion di medio ambiente no por bay totalmente a costo di desaroyo economico y tampoco vice versa, segun minister encarga cu medio ambiente Mike de Meza.

Bon Dia Aruba a puntra minister si acaso e sa di fundacion of gruponan di hende cu a yega na su persona, kendenan ta contra e reapertura di e refineria.

Mirando cu un grupo di persona ta contra desaroyo berde (parke di molina di biento), y cu un refineria ta causa mas daño na salud y medio ambiente.

E mandatario a bisa cu esaki no ta e caso y te unda e sa o a lanta niun grupo contra reapertura di e refineria.

“Un refineria tin un peso sumamente mas grandi cu un parke di molina p'esey ta bin cu parke di molina y parke solar pa move mas for di e peso fossiel riba medio ambiente, no ta algo cu por cambia di un dia pa otro por

wak desaroyonan mundialmente.

” Sinembargo no ta kita cu na tur momento mester keda

busca e balansa den progreso economico y proteccion di medio ambiente, el a termina □

